

四庫全書

子部

欽定四庫全書

子部

古今事文類聚後集卷二十六至

二十八

詳校官中書臣孫衡

侍讀臣孫球覆勘

總校官編修臣王燕緒

校對官中書臣趙秉淵

謄錄監生臣段文新

欽定四庫全書

古今事文類聚後集卷二十六

宋 祝穆 撰

菓實部

菱 芡附

羣書要語菱陵也

說文

菱即菱也

楚詞

菱花開背日芡花

開向日菱寒而芡暖

仇池筆記

鉅野大於常菱淮漢以南凶

年以菱為蔬猶以橡為資也

廣志

鳬躍鴻漸啜菱芡

潘岳西征

賦

詩句紫菱生軟角

庾信

水果剥菱茨

杜

採菱寒刺上

杜

菱

葉亂生萍

韓

菱翻紫角利

韓

茨難頭也

說文

詩句剥茨珠走盤

山谷

蛸毛蒼蒼磔不死銅盤蠹蠹釘頭

生吳雞鬪敗絳幘碎海蚌扶出真珠明

梅聖俞

明珠論斗

煮雞頭

山谷

古今事實

嗜芰

屈到嗜芰有疾召其宗老而屬之曰祭我必以芰及祥
宗老將薦芰屈建命去之曰夫子不以私欲干國之典

也
國語

製芰衣

屈原製芰荷以為衣

楚辭

蒞菑芰芡

龔遂為渤海太守勸民秋冬蒞菑果實芰芡

獺著菱衣

見獺門

古今文集

雜著

論屈建文

加籩之品菱芡存焉楚多陂塘菱芡所生父自嗜之而
柳按宰祝既毀就養無方之禮又失奉死如生之義奪
乎素欲建何忍焉

律詩

食老菱有感

楊廷秀

幸自江湖可避人，懷珠韞玉冷無塵。
何須抵死露頭角，荇葉荷花老此身。

七月望觀菱濠

楊廷秀

官濠水落兩三痕，正是秋初雨後天。
菱荇中間開一路，曉來誰過採菱船。

菱沼

楊廷秀

柄似蟾蜍股樣肥，葉如蝴蝶翼相差。
蟾蜍翹立蝶飛起，

便是菱花著子時

食菱

楊廷秀

雞頭吾弟藕吾兄頭角嶄然也不爭
白璧中藏煙水晦紅裳左袒雪花明
一生子木非知己千載靈均是主盟
每到炎官張火傘西山未當聖之清

古詩

係芡

初食雞頭有感

歐陽永叔

六月京師暑雨多夜夜南風吹芡
觜凝祥池鑽會靈園

僕射荒陂安可擬爭先園客採新苞剖蚌得珠從海底
都城百物貴新鮮厥價難酬與珠比金盤磊落何所薦
滑臺潑醕如玉醴自慙竊食萬錢厨滿口飄浮嗟病齒
却思年少在江湖野艇高歌菱苕裏香新味全手自摘
玉潔沙磨軟還美一瓢固不羨五鼎萬事適情為可喜
何時遂買潁東田歸去結茅臨野水

食雞頭

蘇子由

芡葉初生縐如縠南風吹開輪腕輻紫苞青刺攢蜩毛

水面放花波底熟森然赤手初莫近誰料明珠藏滿腹
剖開膏液尚糲糊大益磨聲風雨速清泉活火曾未久
滿堂坐客分升掬紛然咀噍惟恐遲勢若羣雛方脫粟
東都每憶會靈沼南國陂塘種無足東遊塵土未應嫌
此物秋來日常食

律詩

食雞頭

楊廷秀

龍宮失曉惱江妃也養鳴雞報早暉要啄稻梁無半粒

只教滿額飽珠璣

食雞頭子

楊廷秀

江妃有訣煮真珠
菰飯牛酥軟不如手擘雞頭金
五色盤傾驪頷琲
千餘夜光明月供朝嚼
水府靈宮恐夕虛
好與藍田食玉法
編歸辟穀赤松書

又

三危瑞露凍成珠
九轉丹砂鍊久如
鼻觀溫芳炊桂歇
齒根軟熟剝胎餘
半甌鷹爪中秋近
一炷龍涎丈室虛

却憶吾廬野塘味滿山柿葉正堪書

詩話

芡名鴈頭

周禮注芡雞頭一名鴈頭退之聯句云鴻頭排刺芡山谷云剖蚌煮鴻頭蓋用此也

蓮實 藕附

羣書要語蓮荷實也一曰葍葍說文藕荷根也一曰菰乃

莖下白藕在泥中者同上其實蓮其根藕其中葍葍中薏

爾雅 蒟 五月中生生噉脆至秋表皮黑蒟成可食或可磨

以為飯輕身益氣令人強健

詩疏

詩句池蓮折秋房

韓

青房圓實齊戢戢

張

籍露冷蓮房墜

粉紅

杜

踏藕野池中

杜

佳人雪藕絲

杜

古今事實

燕用乾藕子

後唐馬郁為秘書監時張承業權貴任事與客宴集陳
列珍果客無敢先嘗郁食之必盡承業私戒主者他日

郁至惟以乾藕子置前而已郁知不可啖韞中出一鐵
鎚搗碎而食之承業大笑為公易之云勿敗吾案

古今文集

古詩

顓上食蓮有感

黃魯直

蓮實大如指分甘念母慈共房頭觴觴更深兄弟思實
中有公荷奉如小兒手令我憶衆雛迎門索梨棗蓮心
政自苦食苦何能甘甘食恐腊毒素食則懷慙蓮生淤

泥中不與泥同調
食蓮誰不甘知味良獨少
吾家雙井塘十里秋風香
安得同袍子歸製芙蓉裳

律詩

蓮房

司馬光

蓮房前後熟供嗽
不須齊肉嫩山蜂子稜深
天馬蹄尚連餘藥在深映
亂荷低脆美如新采近根
猶帶泥

古詩

係藕

山谷坐上分題賦藕

胡致隆

平生冰雪姿七星羅心胃豈無有絲毫上裨天子聰而
不自薦達胡為乎泥中沉痾正無賴安得君從容其子
亦可怜風味如乃翁

律詩

藕

楊廷秀

荷衣芰製雪為容家住雲煙太華峯外面看來真璞玉
胃中琬出許玲瓏

石榴

羣書要語若榴石榴也

廣雅

若榴競製

蜀都賦

其在晨也灼

若旭日棲扶桑其在夕也爽若燭龍吐潛光

傅玄賦

丹暉

綴於朱房綳的點乎紅鬚

潘岳河陽庭前石榴賦

千房同模十子

如一

潘岳賦

剖之則珠散含之則冰釋

張載賦

詩句紅榴罅玉房

山谷

庭榴剖朱實

江總

海榴紅簇錦窠白

元稹

古今事實

張騫得種

陸機與弟雲曰張騫為漢使外國十八年得塗林安石

榴種

博物志

獻安石榴

晉安帝時武陵臨沅獻安石榴一蒂六實

沈約宋書

石榴多子

北史齊安德王延宗納趙郡李祖收女為妃母宗氏薦
二石榴於帝莫知其意帝問魏收答曰石榴房多子王
新昏妃母欲子孫衆多帝大喜

古今文集

古詩

石榴

范至能

日烘古錦囊露浥紅瑪瑙玉池噉清肥三彭跡如埽

石榴

梅聖俞

榴枝苦多雨過熟圻已半秋雷石罌破曉日丹砂爛任
從雕俎薦豈待霜刀判張騫西使時蒟醬同歸漢

石榴歌

莊布

玳瑁殼皴枝婀娜馬牙硝骨綿數裏霜風擊破錦香囊
鸚鵡啄殘紅豆顆美人擎在金盤腹錯認海螺斑碌碌
滿口常含瓊液甘一堂齒冷敲寒玉

石榴歌

皮日休

蟬噪秋枝槐葉黃石榴香老愁寒霜流霞包染紫鸞粟
黃臘紙裹紅瓠房玉刻冰壺含露濕爛斑似帶湘娥泣
蕭娘初嫁嗜甘酸嚼破水精千萬粒

律詩

石榴

鄭獬

高枝重欲折霜老折丹膚試剖紫金椀滿堆紅玉珠根
雖傳大夏種必近仙都題作江南信人應賤橘奴

石榴

楊廷秀

深著紅藍染暑棠琢成紋玳敵秋霜半含笑裏清水齒
忽綻吟邊古錦囊霧縠作房珠作骨水精為醴玉為漿
劉郎不為文園渴何苦星槎遠取將

石榴

劉彥沖

庭榴結實，墊芳叢，一夜飛霜染茜容。萬子同包，無異質。
金房玉隔，謾重重。

棗

羣書要語：楓酸棗。

孟子養其棷棘

今江東棗大而銳上者，呼為

壺棗，猶瓠也。細腰者，今鹿盧棗。

爾雅

棗有狗牙、雞心、牛頭

羊角、獼猴、細腰之名。

廣雅

八月剥棗。

七月

饋食之，遵其實。棗

周婦人之贄，棋、榛、脯、脩、棗、栗。

禮記

安邑千樹棗，其人與千

戶侯等。

貨殖傳

棗膏昏鈍。

范蔚宗香譜

凡棗味之美，莫如安邑。

之御棗也

魏文帝詔

信都之棗

魏都賦

棗下纂纂朱實離離宛

其死矣化為枯枝人生不能行樂何以虛謚為

潘岳笙賦

詩句棗下何攢攢榮華各有時 棗欲初赤時人從四

邊來棗適今朝賜誰能仰視之

李善賦注

皮皺似龜手葉小

如鼠耳

樂天

庭前八月梨棗熟一日上樹能千迴

杜

古今事實

棗大如瓜

李少君以却老方見上少君曰臣嘗游海上見安期生

食巨棗大如瓜

漢郊祀志

棗實如瓶

尹喜共老子西遊省太真王母共食玉文之棗其實如

瓶

尹喜內傳

海棗不實

齊景公謂晏子曰東海之中有棗華而不實何也晏曰昔者秦穆公乘舟理天下黃布裹蒸棗至海而投其布破蒸棗故華而不實公曰吾佯問子對曰嬰聞佯問者

佯對也

晏子春秋

棗栗濟飢

秦飢應侯謂王曰五苑之棗栗請發與之

嗜羊棗

曾皙嗜羊棗曾子不忍食羊棗

實小而圓紫黑色俗呼羊矢棗

覆射棗

武帝時上林獻棗上以枝擊未央前殿檻呼朔曰叱來叱來先生知此篋中何物朔曰上林之棗四十九枚上

曰何以知之朔曰呼朔者上也以枝擊檻兩木林也曰朔來朔來者棗也叱叱者四十九也上大笑賜帛十疋

伐棗去婦

見出妻門

以棗塞鼻

見廁門

周文之棗

周文弱枝之棗

潘閏居賦

棗投栗報

梁蕭琛嘗侍宴醉伏上以棗投琛琛乃取栗擲上中面

中丞在席帝動色曰此中有人不得如此豈有說也琛
曰陛下投臣以赤心臣敢報之以戰栗

古今文集

古詩

棗

後秦趙整

北園有一樹布葉垂重陰外雖多棘刺內實有赤心

棗

梁簡文帝

浮華齊水麗垂彩鄭都奇白紛英靡靡紫字標離離風

搖羊角樹日映雞心枝穀城踰石密蓬岳表仙儀已聞
安邑美永茂玉門垂

賦棗

王介甫

種桃昔所傳種棗予所欲在實為美果論材又良木餘
甘入鄰家尚得饒婦逐况余秋盤中快噉取饜足風色
墮朱繒日顥皴紅玉贄禮古已然幽詩自宜錄繄懷青
齊間萬樹蔭平陸誰云食之昏匿智乃成俗廣庭觴聖
壽以此參肴藪願比赤心投皇明倘予燭

瓜 木瓜附

羣書要語猗猗其紹猗

爾雅

綿綿瓜猗注瓜猗小瓜子其

本子小

綿

七月食瓜

七月

五月乃瓜者治瓜之辭也八月

剝瓜者蓄瓜之時也

大戴禮

為天子削瓜者副之巾以絺

副既削又四析之乃橫斷之而中覆焉

為國君者華之巾以絺

華中斷不四析也

為大夫者累之

累保也謂不中覆

士壹之

不中裂橫斷去壹而已

庶人齧

之

不橫斷並禮記

婦人之贄瓜桃李梅

同上

委人掌蓄聚物瓜瓠

芋

地官

吾豈匏瓜也哉焉能繫而不食

語

浮甘瓜於清泉

魏文帝與得冷而益甘兮怡神爽而解顏傳玄賦其類則吳質書

有刮樓定桃黃瓠白縛金久密筍小青大斑玄軒素椀

狸首虎蹠陸機瓜賦承之以雕盤幕之以織絺甘逾蜜房冷

亞冰圭魏劉楨賦瓜疇芋區蜀都賦辰日宜種瓜山谷詩注

詩句破皮霜落刃落刃嚼水霜瓜嚼水晶寒並杜秋瓜未

落蒂瓜畦爛文貝並韓霜蔓絕寒瓜柳翠瓜碧李沉玉甃

甫杜

木瓜投我以木瓜齊風

古今事實

芸瓜忤父

魯子芸瓜而誤斬其根魯皙怒大杖擊其背魯子仆地
有頃乃蘓孔子聞之告門弟子曰參來勿納也曾子使
人請孔子孔子曰舜之事瞽叟得小棰則受大杖則走
今參事父委身以暴怒身死陷父於不義不孝孰大焉

家語

瓜時而代

見交
代門

視瓜坑儒

秦始皇密令人種瓜於驪山硯谷中溫處瓜實成使人
上書白瓜冬實有詔下博士諸生說之人人各異則皆
使往視之而為伏機諸儒生皆至方相難不決因發機
從上填之以土皆壓死

衛宏丈夫
奇字序

東陵種瓜

邵平故秦東陵侯秦滅後為布衣種瓜長安城東種瓜
有五色甚美故世謂之東陵瓜又云青門瓜青門即東

陵也

史

鄰瓜美惡

梁大夫宋就為邊縣令與楚隣界梁楚邊亭皆種瓜梁亭敏力數灌其瓜美楚人窳而希灌其瓜惡楚令以梁瓜之美怒因往夜竊搔梁瓜梁覺之欲往報搔楚瓜宋就曰是構怨之道也乃令人夜往竊為楚灌瓜楚旦往則已灌瓜伺而察之則梁亭為也令大悅因具聞楚王楚王乃謝以重幣故梁楚之驩由宋就也

賈誼
新書

王母仙瓜

西王母謂上元夫人曰朱陵山食靈瓜其味甚好憶此

味久已七千歲矣

漢武內傳

設瓜得墓

孫鍾家貧種瓜瓜熟有三人來乞瓜鍾設瓜及飯謂鍾

曰蒙君厚惠乃示子葬地鍾後生權權生亮亮生休

幽冥

錄

種瓜自給

吳步騭避難江南單身窮困種瓜自給

盜瓜知愧

晉桑虞家園瓜熟有人踰園盜之虞見以園籬多棘刺使人為開道及盜負出見道通知虞使除之乃送瓜叩頭請罪虞與之

三莖一實

晉武太康八年王濬園生瓜三莖一實

異苑

削瓜侵肉

後周王羅嘗與客食瓜客削瓜皮侵肉頗厚羅意慊之及瓜皮落引手就地取而食之客有愧色

寒瓜遺母

滕曇恭年五歲母患熱病思食寒瓜土俗不產曇恭歷訪而不得俄過一桑門曰我有雙瓜分一相遺舉家驚

異

南史

獻瓜授官

陸贄帝幸梁道有獻瓜果者帝嘉其意欲授以武官贄

曰爵位天下公器不可輕也今獻瓜一器果一盛則授之彼忘軀命者何勸哉

逐兔踐瓜

唐酷吏王弘義賤時求傍舍瓜不與及為御史騰言園有白兔縣為集人捕逐畦無遺蔬李昭德曰昔聞蒼鷹獄吏今有白兔御史

蠅集瓜上

見蠅門

坐上種瓜

馬湘有道術嘗於江南刺史馬植坐上以酒杯盛土種瓜須臾引蔓花實食之甚美

續仙傳

一瓜念舊

呂文穆蒙正在龍門讀書一日行伊水見賣瓜者意欲得之無錢其人偶遺一枚公悵然取食之後作相買園洛城東南下直伊水起亭以一瓜為名不忘貧賤也

聞錄

古今文集

古詩

甘瓜

范至能

夏膚麤已皴秋蒂熟將脫不辭抱蔓歸聊慰相如渴

園人送瓜

杜甫

江間雖炎瘴瓜熟已不早傾筐蒲鵠青滿眼顏色好沉
浮亂珠玉愛惜如芝草

律詩

致中惠瓜成二絕

劉彥沖

故人夙有瓜畦約走送筠籃百里間
翠甌瓊盃纔一握極知風味勝黃斑

又

柘漿溜溜香浮玉蘓水沉沉色弄金
那似甘瓜能破暑一盤霜雪沍清襟

食瓜有感

黃魯直

暑軒無物洗煩蒸百果凡林得我憎
蘇井筠籠浸蒼玉金盤碧飭薦寒冰
田中誰問不納履坐上適來何處蠅

此理一杯分付與我思明望在東陵

古詩

係木瓜

木瓜

范至能

沉沉黛色濃粦粦金沙絢却笑宣州房競作紅粧面

律詩

野店多賣木瓜

楊廷秀

天下宣城花木瓜日華霑液繡成花何須墀子強呈界
自有瓊琚先報衙

柿

羣書要語朱柿

王逸賦

鴻柿若瓜

李尤七款

古今事實

烏桺八稜

梁侯園有烏桺八稜

地理志又見潘岳賦

古今文集

律詩

桺柿

劉彥沖

秋林黃葉晚霜嚴熟蒂甘香味獨兼
火傘纈虬浪褒拂風標誰似邑中黔

梨查附

羣書要語真定郡梨大如拳甘若蜜脆若菱可以解煩

結魏文詔

淮地蒙南河濟之間千株梨其人與千戶侯等

食貨志

紫梨津潤

蜀都賦

梨曰快果

本草

詩句紫實已含津

梁宣帝

張梨不外求山梨結小紅查梨

且綴碧紅梨迥得霜

並杜

蒙君知重惠瓊實薄起金刀釘

王深

幸黃遜

嚼處春冰猷齒冷嚙時雪液沃心寒

前人

古今事實

共食紫梨

老子西遊省太真王母共食紫梨

尹喜內傳

食取小梨

孔融兄弟七人第六年七歲與諸兄食梨輒取小者人問其故答曰小兒法當取小者

含消梨

漢武帝園有大梨如五升落地則破欲取則以布囊承

之名曰含消梨

辛氏三秦記

張公梨

洛陽北郊張公夏梨海內惟一樹潘岳賦云張公大谷之梨

釘坐梨

崔遠人號為釘坐梨

好梨不蒸

桓南郡每見人不快輒嗔曰君得哀家梨當復不蒸食
不舊時秣陵有哀仲家梨甚美大如升入口即消釋言
愚人不別味得好梨蒸食之也

世說

梨號刀斧

李建勲罷相江南出鎮豫章一日遊西山田間茅舍有
老叟教授村童公觴于其廬連食數梨賓僚有曰梨號
五臟刀斧不宜多食叟笑曰鵲冠子云五臟刀斧乃離
別之離非梨也蓋離別戕胸懷有若刀斧然遂就架取

小冊振拂以呈丞相乃鶚冠子

東軒

樹下楊妃

玄宗至馬嵬驛令高力士縊貴妃於佛堂之梨樹

唐史

櫨難比梨

係查

南史宋張敷小名櫨父小名梨文帝戲曰櫨何如梨答曰梨是百果之宗櫨何敢比

古今文集

律詩

讀鄴侯傳

陸務觀

幸渭當年已誤來
商山芝老更堪哀
人生若要常無事
兩顆梨須手自栽

梨

劉彥沖

尚想飛花映綺疏
離離秋實點塵蕪
丹腮曉露香猶薄
玉齒寒冰嚼欲無
舊有佳名傳大谷
誰分靈種下仙都
柘漿不用傳金碗
猶得相如病少甦

食梨

朱元晦

珍實渾疑露結成香葩况是雪儲精乍驚磊落堆盤出
旋剖輕盈照骨明盧橘謾勞誇夏熟柘漿未許析朝醒
啖餘更檢桐君錄快果知非浪得名

梨

楊廷秀

掛冠大谷肯干時釘坐風流特地奇骨裏馨香衣不隔
胸中冰雪齒先知賣漿碎搗瓊為汁解甲方憐玉作肌
老子醉來揮謝客見渠倒屣只嫌遲

詩話

帝為燒梨

唐肅宗嘗夜坐召潁王等三弟同於地爐罽毼上坐時李泌絕粒上每自燒梨以賜之潁王恃恩固求上不與曰汝常飽肉食先生絕粒何乃爭之潁王曰臣等試大家心何乃偏耶不然三弟共乞一顆可乎上亦不許賜以他果潁王等又曰臣等以大家自燒故乞他果何用因曰先生恩渥如此臣等請聯句以為他年故事潁王曰先生年幾許顏色似童兒信王曰夜抱九仙骨朝披

一品衣陳王曰不食千鍾粟唯飡兩顆梨既而三王請上
成之上曰天生此間氣助我化無為

古今事文類聚後集卷二十六

欽定四庫全書

古今事文類聚後集卷二十七

宋 祝穆 撰

菓實部

栗

羣書要語隰有栗

山樞

樹之榛栗

定之方中

饋食之遵其實栗

周禮

女贄不過榛栗棗脩

左傳

燕秦千樹栗其人與千戶侯

等

漢書

中山好栗

何晏論

東夷韓國出大栗如梨

魏志

榛栗罇

發

蜀都賦

詩句穰多粟過拳

杜

山家蒸栗暖

杜

羅生雜橡栗

杜

採

栗玄猿窟

物常應

歲拾橡栗隨狙公

杜

園收芋栗未全貧

杜

古今事實

狙公賦芋

栗也見狙門

報以戰栗

見素門

擲栗卜郡

宋劉秀之為丹陽尹先是秀之從叔穆之為丹陽與子弟廳事上宴廳事柱有一穿穆之謂曰汝等試以栗遙擲柱入穿者必得此郡唯秀之入焉其言果驗

世說

兒不爭栗

王泰之幼敏悟年數歲時祖母散栗於床羣兒競之泰獨不取問其故對曰不取當自得賜由是中表異之

世說

栗綴於鼻

道人殷七七名文祥能造逡巡酒開頃刻花嘗一官僚

召飲取栗散於宮妓皆聞異香唯笑七七者栗綴於鼻
不可脫但聞臭須臾狂舞粉黛狼籍共為陳過栗乃墜

續仙
傳

古今文集

律詩

栗

老去自添腰脚病山翁服栗舊傳方客來為說晨興晚

三咽徐收白玉漿

本草云人有脚弱啖
栗數升遂能起行

橘金橘 柑
振並附

羣書要語淮海惟揚州厥包橘柚錫貢孔安國疏小曰

橘大曰柚

禹貢

橘踰淮而北為枳此地氣然也周禮蜀漢江

陵千樹橘其人與千戶侯等

食貨志

橘白華赤實皮馨香

有味

異物志

南方有橘酢正裂人牙時有甜耳

魏文詔

夫樹

粗梨橘食之則美嗅之則香

淮南子

柚梨橘粗皆可於口

也

莊子

斬伐橘柚列樹苦桃

離騷

果之美者雲夢之柚

呂氏春秋

碧葉獨潤金衣更鮮

李德裕橘賦

詩句天寒橘柚垂

杜

么橘委金丸

山谷

莫遣兒童酸打盡

要看霜後十分黃

山谷

金橘其實小如彈黃如金謂之金橘

花果錄

詩句金衣非所恡

沈休文

珍重更過三十子不堪分付野

人邊

陸龜蒙

柑真柑一名乳柑惟泥山為最地不彌一里所產柑其

大六七寸圍皮薄而味珍脉不粘瓣食不留滓一顆之

核纔一二間有全無者

韓彥直橘錄

生枝柑鄉人以其耐久

留之枝間俟其味變甘帶葉而折故名生枝

同甘踰萍上

實冷亞冰壺

梁劉孝儀謝柑

詩句白露溥柑子

杜

破柑霜落爪

杜

枳枳子木有刺香氣馥馥可以熏袖可以芼鮮可以漬

蜜真佳實也

同上

詩句霜橙壓香橘

杜

古今事實

橘中之樂

巴邛人家有橘園霜後橘盡收斂有大橘如三斗盎已人異之剖開每橘有二叟鬚眉皤然肌體紅明皆相對象戲談笑自若一叟曰橘中之樂不減商山但不得深根固蒂為愚人摘下耳

幽怪錄詳見神仙門

蒂十二實

平西將軍庾亮送橘十二實共一蒂為瑞異羣臣畢賀

漢武故事

懷橘遺母

陸績年六歲於九江見袁術術出橘績懷三枚去拜辭
墮地術謂曰陸郎作賓客而懷橘乎績跪答曰欲歸遺
母術大奇之

橘葉治病

蘓耽種橘鑿井以救鄉里之有病者以井泉服一橘葉

卽愈

神仙傳

義之橘帖

王羲之帖云奉橘三百枚霜未降未可多得

賜羣臣橘

唐蓬萊殿九月九日賜羣臣橘

金橘後出

金橘產於江西以遠難致都人初不識明道景祐初始與竹子俱至京師竹子味酸人不甚喜後遂不至而金橘香清美味置之樽俎間光彩的皪如金彈丸誠珍果也都人初不甚貴後因溫成皇后尤好食之由是價重京師余世家江西見吉州人甚惜此果其欲久留著於

菜豆中藏之可經時不變云橘性熱而豆性涼故能久

也
歸田錄

柑缺一瓣

以下係柑

明皇食柑凡千餘枚皆缺一瓣問進柑使者云中塗嘗

有道士嗅之蓋羅公遠也

開元遺事

廉不受柑

丹陽張磐為廬江太守尋陽令嘗餉一奩柑其小男七歲就取一枚磐奪取付外卒以兩枚與之磐奪兒柑鞭

卒

謝承後
漢書

義之柑帖

王羲之帖奉柑二百不能佳

布裹柑子

益州歲進柑子皆以紙裹之他時長吏嫌紙不敬代之
細布既而恐柑子為布所損每懷憂懼俄有御史柑子
布至長吏以為推布裹柑子事懼曰果為所推及子布
到驛長吏叙以布裹柑子為敬子布初不之知久而方

悟聞者莫不大笑

唐新語

千頭木奴

李衡字叔平為丹陽太守每欲治家妻輒不聽後密遣十人於武陵龍陽洲上作宅種柑千樹臨死敕兒曰汝母惡吾治家故窮如是吾州里有千頭木奴不責汝衣食歲止一疋亦足用矣及衡柑成歲得輸絹數千疋

襄陽

記

甘果壞爛

王丞相儉帳下甘果盈溢涉春壞爛

郭子

上元傳柑

見上元門

古今文集

雜著

黃甘陸吉傳

蘇子瞻

黃甘陸吉者楚之二高士也黃隱於泥山陸隱於蕭山
楚王聞甘名遣使召之陸吉先至賜爵左庶長封洞庭
君尊寵在羣臣右久之黃甘始來一見拜溫尹平陽侯

班賜令尹吉起隱士與甘齊名入朝久尊貴用事一旦
吉位居上甘心銜之羣臣皆疑之會秦遣蘇軫鍾離意
使楚楚召燕章臺羣臣皆與甘坐上坐吉喞然謂之曰
請與子論事甘曰唯唯吉曰齊楚約西擊秦吾引兵踰
關身犯霜露與枳棘最下者同甘苦率家奴千人戰甘
洲之上拓地至漢南而歸子功孰與甘曰不如也曰神
農氏之有天下也吾剝膚刻肝怡顏下氣以固蒂之術
獻上上喜之命記注官陶洪景狀其方略以付國史出

為九江守宣上德澤使童兒亦懷之子才孰與甘曰不
如也吉曰是二者皆出吾下而位吾上何也甘徐應之
曰君何見之晚也每歲太守勸駕乘傳入金門上玉堂
與虞荔申根梅福棗嵩之徒列侍上前使數子者口吐
舌縮不復上齒牙間當此之時屬之於子乎屬之於我
乎吉默然良久曰屬之於子矣甘曰此吾所以居子之
上也於是羣臣皆伏歲終吉以疾免更封甘子為穰侯
吉之子為下邳侯穰侯遂廢不顯下邳以美湯藥官至

陳謝治中

太史公曰田文論相吳起說相如同車廉頗屈姬何敵
衣尹姬悔甘吉亦然傳曰女無好惡入宮見妬士無賢
不肖入朝見嫉此之謂也雖美惡之相遼嗜好之不齊
亦焉可勝道哉

橘頌

屈原

后皇嘉樹橘徠服兮受命不遷生南國兮深固難徙更
壹志兮綠葉素榮紛其可喜兮曾枝剌棘圓果搏兮青

黃雜揉文章爛兮精色內白類可任兮紛緼宜脩姱而不醜兮

古詩

病橘

杜甫

伊橘少生意雖多亦奚為惜哉結實小酸澁如棠梨剖之盡蠹蝕採掇爽所宜紛然不適口豈止存其皮蕭蕭半死葉忽忽別故枝玄冬霜雪積況乃回風吹嘗聞蓬萊殿羅列瀟湘姿此物歲不稔玉食失光輝冠盜尚憑

陵當君減膳時汝病是天意吾意罪有司憶昔南海使
奔騰獻荔支百馬死山谷到今耆舊悲

律詩

故人重九日求橘戲贈

韋應物

憐君病後思新橘始摘猶酸亦未黃書後欲題三百顆
洞庭猶待滿林霜

田園雜興

范至能

新霜徹曉報秋深深染盡青林作纈林惟有橘園風景異

碧叢叢裏萬黃金

和賜後苑金橘

李邦直

苑臣初摘置瑤盤口勅宣恩賜近官氣味豈同淮枳變
皮膚不作楚梅酸參差翠葉藏珠琲錯落黃金鑄彈丸
安得一株擎雨露畫圖傳與世人看

歐陽從道許寄金橘以詩督之黃魯直

從道參禪有年向來頗聞數從歌舞飲故
及之

禪客入秋無氣息想依紅袖醉毬毬霜枝搖落黃金彈
許送筠籠殊未來

雜著

以下
係柑

謝湘東王賡柑啟

庾肩吾

名傳地理遠自武陵之淵族茂神經遙聞建春之嶺王
逸為賦取對荔支張衡製辭用連石蜜足使萍實非甜
蒲萄猶餽王羲之與諸子遊觀有一味甘割而分之以
娛目前云云

律詩

柑田

杜甫

春日清江岸千柑二頃田青雲著葉密白雪避花繁
結子隨邊使開筒近至尊後於桃李熟終得獻金門

柳州城北種柑

柳宗元

手種黃柑三百株春來新葉徧城隅方同楚客憐皇樹
不學荊州利木奴幾歲開花聞噴雪何人摘實見垂珠
若教坐待成林後滋味還堪養老夫

食柑

蘇子瞻

一雙羅帕未分珍

故事賜近臣黃柑以黃羅帕包之

林下先嘗愧逐臣

露葉霜枝剪寒碧金盤玉指破芳辛清泉澉澉先流齒

香霧霏霏欲喚人坐客慙慙為收子千奴一掬為吾貧

枳子

以下係枳

歐陽永叔

嘉樹團團俯可攀壓枝秋實漸爛斑朱欄碧瓦清霜曉
粲粲繁星綠葉間

贈景文

蘇子瞻

荷盡已無擎雨蓋
菊殘猶有傲霜枝
一年好景君須記
正是橙黃橘綠時

橘

劉彥沖

橘甘酸各效能
南苞錫貢不同升
果中亦抱遺才嘆
有客攀條氣拂膺

食橘寄謝舍人

梅聖俞

洞庭朱橘未弄色
襄水錦橘多已黃
玉臼擣齏憐鱸美
金盤侑酒助杯香
雖生南土名猶重
未信中州客厭嘗

欲寄百苞憑驛去，只應佳味怯風霜。

枇杷

羣書要語：枇杷冬華實黃大如雞子，小者如杏，味甜酢。

廣志：盧橘夏熟，或云即枇杷。上林賦

詩句：枇杷樹樹香。杜盧橘楊梅次第新。坡

古今事實

周祇植庭

周祇云：枇杷寒暑無變，負雪揚華。余植之庭園。枇杷賦事

古今文集

律詩

枇杷

楊廷秀

大葉聳長耳一梢堪滿盤
荔支分與核金橘却無酸
雨壓低枝重漿流水齒寒

水去聲

長卿今在否莫遣作園官

枇杷

劉彥沖

萬斛金丸作樹稠遺根漢苑識風流也知不作雕盤獻
朽腐聊關聖主憂

楊梅

羣書要語楊梅其子大如彈丸正赤五月中熟熟時似

梅子味甜酸

臨海異物志

古今事實

此楊家果

楊氏子年九歲孔君平詣其父設果有楊梅孔指示兒

此實君家果兒應聲答曰未聞孔雀是孔子家禽

郭子

古今文集

律詩

楊梅

平可正

五月楊梅已滿林，初疑一一價千金。
味方河朔蒲桃重，色比瀘南荔子深。
飛艇似聞新入貢，登盤不見舊供吟。
詩成一寄山中友，恐解樓頭愛渴心。

謝紹興帥丘宗卿惠楊李

二首 楊廷秀

梅出稽山世少雙，情知風味勝他楊。
玉肌半醉生紅粟，墨暈微深染紫囊。
火齊堆盤珠徑寸，醴泉繞齒柘為漿。

故人解寄吾家果未變蓬萊閣下香

又

越絕諸楊盛一時與儂瓜葛不曾知一夫自笑吾衰矣
此客何從夢見之也解過江尋德祖政緣作尹是丘遲
渠伊不是南村派未免先驅事荔支

蔗
糖霜附

羣書要語諸蔗也

說文

甘蔗交趾所生者圍數寸長丈餘

異物志

甘蔗其錫為石蜜

廣志

挫斯蔗而療渴若漱醴而含

蜜張協
蔗賦都蔗雖甘杖之必折巧言雖美用之必滅曹植
論

臠鯢炮羔有柘漿些楚辭

詩句百味旨酒布蘭生泰尊柘漿析朝醒漢郊祀歌

古今事實

漸入佳境

顧凱之為虎頭將軍每啖蔗自尾至本人或問之曰漸入佳境

鼠矢汙飴見讒
謗門

始創糖霜

係糖霜

唐大厯間有僧號鄒和尚不知所從來跨白驢登繖山
結茅以居須鹽米薪菜之屬即書寸紙繫錢緡遣驢負
至市區人知為鄒也取平直掛物于鞍縱驢歸一日驢
犯山下黃氏者蔗苗黃請償於鄒鄒曰汝未知因蔗糖
為霜利當十倍吾語汝塞責可乎試之果信自是流傳
其法鄒末年北走通泉縣靈鷲山龕中其徒追及之但
見一文殊石像始知大士化身而白驢者獅子也

王灼譜

古今文集

雜著

蔗產南方

甘蔗只生於南方北人嗜之而不可得魏太武至彭城遣人於武陵王處求酒及甘蔗郭汾陽在汾上代宗賜甘蔗二十條子虛賦所云諸柘也且諸柘者甘蔗也蓋相如指言楚雲夢之物漢郊祀歌泰尊柘漿亦謂取甘

蔗以為飲

容齋
隨筆

古詩

賦得甘蔗以上字為韻
舒信道澶

瑤池宴罷王母還九芝飛入三仙山
空餘絳節留人間
雲封露洗無時閑
節旄落盡何爛斑
野翁提攜出茅管
吳刀憂憂鳴雙環
截斷寒冰何潺潺
相如賦就空上林
倦遊渴病長相侵
劉伶愛酒真荒淫
狂來欲倒滄溟深
此時一嚼輕千金
壚邊何用文君琴
五斗一石安足斟
坐想毛髮生青陰
蕭瑟甘滋欲誰讓
相梨橘柚紛殊狀

冷氣相射盃盤上
顏郎不見休惆悵
佳境到頭還不妄
詩成雖愧陽春唱
全勝乞與將軍杖

雜著

以下係
糖霜

糖霜譜

糖霜之名唐以前無所見自古食蔗者始為蔗漿宋玉
招魂所謂腍蠶包羔有柘漿是也其後為蔗餈孫亮使
黃門就中藏吏取交州所獻甘蔗餈是也後又為石蜜
南中八郡志云榨甘蔗汁曝成飴謂之石蜜本草亦云

煉糖和乳為石蜜是也後又為蔗酒唐赤土國用甘蔗
作酒雜以紫瓜根是也唐太宗遣使至摩竭陀國取熬
糖法即詔揚州上諸蔗榨潘如其剗色味愈於西域遠
甚然只是今之砂糖蔗之技盡於此不言作霜然則糖
霜非古也歷世詩人模竒寫異亦無一章一句言之惟
東坡公過金山寺作詩送遂寧僧圓寶云涪江與中泠
共此一味水冰盤薦琥珀何似糖霜美黃魯直在戎州
作頌答梓州雍熙長老寄糖霜云遠寄蔗霜知有味勝

於崔子水晶鹽正宗掃地從誰說我舌猶能及鼻尖則
遂寧糖霜見於文字者實始二公甘蔗所在皆植獨福
唐四明番禺廣漢遂寧有糖水而遂寧為冠四郡所產
甚微而顆碎色淺味薄纔比遂之最下者亦皆起於近
世唐大厯中有鄒和尚者始來小溪之繖山教民黃氏
以造霜之法繖山在縣北二十里山前後為蔗田者十
之四糖霜戶十之三蔗有四色曰杜蔗曰西蔗曰芳蔗
本草所謂荻蔗也曰紅蔗本草所謂崑崙蔗也紅蔗止

堪生噉芳蔗可作砂糖西蔗可作霜色淺土不甚貴杜
蔗綠嫩味極厚專用作霜凡蔗最困地力今年為蔗田
者明年改種五穀以息之霜戶器用曰蔗削曰蔗鏹曰
蔗甃曰蔗碾曰榨斗曰漆甕各有制度凡霜一甕中品
色亦自不同堆疊如假山者為上團枝次之甕鑑次之
小顆塊次之沙腳為下紫為上深琥珀次之淺黃又次
之淺白為下宣和初王黼創應奉司遂寧常貢外歲別
進數千斤是時所產益奇墻壁或方寸應奉司罷乃不

再見當時因之大擾敗本業者居半久而未復遂寧王
灼作糖霜譜七篇具載其說予采取之以廣聞見

容齋
隨筆

律詩

糖霜

楊廷秀

亦非崖蜜亦非餠青女吹霜凍作冰透骨清寒輕著齒
嚼成人跡板橋聲

橄欖 餘甘附

羣書要語橄欖子大如棗二月華八九月熟生食味酢

蜜藏乃甜美

南州草木狀

橄欖樹身聳枝皆高數尺其子深

秋方熟閩中尤重其味云咀之香口勝含雞舌香生啖

及煮食悉解酒毒有野生者子繁樹峻不可梯緣但刻

其根下方寸許內鹽於其中一夕子皆自落

嶺表異錄

餘甘子梭形初入口舌澁酸飲水乃甘又如梅實兩頭

銳

異物志

古今事實

闕

古今文集

古詩

橄欖

歐陽永叔

五行居四時維火盛南訛炎焦凌木氣橄欖得之多酸
苦不相入初爭久方和霜苞入中州萬里來江波幸登
君子席得與衆果羅中州衆果佳珠圓玉光瑳媿茲微
陋質以遠不見訶飴飴兒女甜遺味久則那良藥不甘
口厥功見沉痾忠言初厭之事至悔若何世已無採詩
詩成為君哦

橄欖

劉貢父

南珍富奇異疇昔頗窮擘夷荒不書傳從古陋鉏耨苞
封走中土天序異離坎有香已變哀有色多黯黯今君
此堂上真物惟橄欖青膚鏤瓊瑩翠顆森玉莖苦為幽
人正久見君子淡甘壞彼包羞日新此剛敢清泉薦芳
茗臭味獨潛感凜雪漬煩醒滌除瑩玄覽靈均採時菊
西伯嗜昌歎廟鼎實調梅壯士仍嘗膽由來超俗好諸
絕不言慘殷勤謝凡口薤白空三噉

橄欖

王元之

江東多果實橄欖稱珍奇
北人將就酒食之先顰眉
皮核苦且澁歷口復棄遺
良久有回味始覺甘如飴
我今何所喻喻彼忠臣辭
直道逆君耳斥退投天涯
世亂思其言噬臍焉能追
寄語採詩者無輕橄欖詞

律詩

橄欖

蘇子瞻

紛紛青子落紅鹽
正味森森苦且嚴
待得微甘回齒頰

已輸崖蜜十分甜

古詩

係餘柑

餘柑

炎方橄欖佳餘柑豈苗裔風姿雖小殊氣韻乃酷似
顏澁吻餘髣髴清甘至侯門收寸長粉骨成珍劑猶聞
雜蜜草少轉森嚴味奇才用不專雖用何殊棄端如效
苦言逆耳多嫌忘棄果事何傷違言德之累悅口易逢
知感茲發長喟

衆菓

羣書要語

闕

古今事實

闕

古今文集

古詩

梅聖俞寄銀杏

歐陽永叔

鵝毛贈千里所重以其人鴨脚雖百箇得之誠可珍玉
聞得之誰詩老遠且貧霜野橘林實京師寄時新封包

雖甚微採掇皆躬親物貴以人貴人賢棄而淪開緘重
嗟惜詩以報慙懃

和聖俞鴨脚子

歐陽永叔

鴨脚生江南名實本相浮絳囊因入貢銀杏貴中州致
遠有餘力好奇自賢侯因令江上根結實夷門秋始摘
纔三四金奩獻凝旒公卿不及識天子百金酬歲久子
漸多纍纍枝上稠主人名好客贈我比珠投博望昔所
徙蒲萄安石榴想其初來時厥價與此侔今已徧中國

籬根及墻頭物性久雖在人情逐時流惟當記其始後
世知來由是亦史官法豈徒續君謳

永叔內翰遺李太博家新生鴨脚

梅聖俞

北人見鴨脚南人見胡桃識內不識外疑若橡栗韜鴨
脚類綠李其名因葉高吾鄉宣城郡多以此為勞種樹
三十年結子防山獠剝核手無膚持置宮省曹今喜生
都下薦酒壓葡萄初聞帝苑夸又復主第褒纍纍誰採

掇玉椀上金鰲金鰲文章宗分贈我已叨豈無異鄉感
感此微物遭一世走塵土鬢顛得霜毛

古詩

係樵子

送鄭戶曹賦席上果得樵子

蘇子瞻

彼美玉山菓粲為金盤實瘴霧脫蠻溪清尊奉佳客客
行何以贈一語當加璧祝君如此果德膏以自澤驅襍
三彭仇已我心腹疾願君如此木凜凜傲霜雪斲為君
倚几淨滑不容削物微興不淺此贈毋輕擲

古今事文類聚後集卷二十七

欽定四庫全書

古今事文類聚後集卷二十八

宋 祝穆 撰

花卉部

梅花

羣書要語大庾嶺上梅花南枝已落北枝方開寒暖之

候異也

坡詩註

上林苑有紫蒂梅胭脂梅

西京雜記

詩句巡檐索共梅花笑冷蕊疎枝半不禁

杜喜舍弟赴藍田

江

頭千樹春欲暗竹外一枝斜更好坡 蕊訝粉綃裁太碎

帶疑紅蠟綴初乾林和靖

古今事實

飲梅花下

隋開皇中趙師雄遷羅浮一日天寒日暮於松林間酒肆旁舍見美人淡粧素服出迎時已昏黑殘雪未消月色微明師雄與語言極清麗芳香襲人因與之扣酒家門共飲少頃一綠衣童子笑歌戲舞師雄醉寐但覺風

寒相襲久之東方已白起視大梅花樹上有翠羽刺嘈

相顧月落參橫但惆悵而已

龍城錄

作梅花賦

宋廣平為相貞姿勁質剛態毅狀疑其鐵腸石心不解吐婉媚辭然觀其文而有梅花賦清便富艷得南朝徐

庾體殊不類其為人

皮日休桃花賦序

古今文集

雜著

梅譜 并序

梅天下尤物無間智愚賢不肖莫敢有異議學圃之士
必先種梅且不厭多他花有無多少皆不繫重輕余於
石湖至雪坡既有梅數百本比年又於舍南買王氏僦
舍七十楹盡拆除之治為范林以其地三分之一與梅
吳下栽梅特盛其品不一今始盡得之隨所得為之譜
以遺好事者

江梅遺核野生不經栽接者又名直脚梅凡山間水濱

荒寒迴絕處皆此本也花稍小而疎瘦有韻香最清
實小而硬

早梅冬至前已開故得早名要非風土之正杜子美云
梅蕊臘前破梅花年後多惟冬春之交正是花時耳
消梅其實圓小鬆脆多液無滓多液則不耐日乾故不
入煎造亦不宜熟惟堪青噉

古梅其枝樛曲萬狀蒼蘚鱗皴封滿花身又有苔鬚垂
於枝間或長數寸風颺綠絲飄飄可玩去成都二十

里有卧梅偃蹇十餘丈相傳唐物也清江酒家有大梅如數間屋可羅坐數十人余平生見梅奇古惟此兩處

重葉梅花頭甚豐葉重數層盛開如小白蓮梅中之奇品花房獨出而結實多雙尤為瑰異

綠萼梅凡梅花附蒂皆絳紫色惟此純綠枝梗亦青好事者比之仙人萼綠華京師艮嶽有萼綠華堂其下專植此本

百葉緗梅一名千葉香梅花小而密

紅梅粉紅色標格猶是梅而繁密則如杏香亦類杏詩
人有北人全不識渾作杏花看之句與江梅同開紅
白相映園林初春絕景也梅聖俞詩云認桃無綠葉
辨杏有青枝當時以為著題東坡詩云詩老不知梅
格在更看綠葉與青枝蓋謂其不韻為紅梅解嘲云
承平時此花獨盛於姑蘇晏元獻公始移梅西岡圃
中一日貴游賂園吏得一枝分接由是都下有二本

嘗與客飲花下賦詩云若更開遲三二月北人應作
杏花看客曰公詩固佳待北俗何淺耶晏笑曰儻父
安得不然王琪君玉時守吳郡聞盜花種事以詩遺
公曰館娃宮北發精神粉瘦瓊寒露葉新園吏無端
偷折去鳳城從此有雙身當時罕得如此比年不可
勝數矣世傳吳下紅梅詩甚多惟方子適一篇絕唱
有紫府與丹來換骨春風吹酒上凝枝之句

鴛鴦梅多葉紅梅也凡雙果必並蒂惟此一蒂而結雙

梅

杏梅花比紅梅色微淡結實甚匾有爛斑色全似杏味不及紅梅耳

蠟梅本非梅類以其與梅同時香又相近色酷似蜜脾故名蠟梅凡三種以子種出不經接花小香淡其品最下俗謂之狗蠅梅經接花踈雖盛開花常半含名磬口梅言似僧磬之口也最先開色深黃如紫檀花密香穠名檀香梅此品最佳蠟梅香極清芳殆過梅

香初不以形狀貴也故難題詠山谷簡齋但作五言小詩而已此花多宿葉結實如垂鈴尖長寸餘子在其中

後序

范至能

梅以韻勝為高故以橫斜疎瘦與老枝奇怪者為貴其新接穉木一歲抽條族直上或三四尺如醑醑薔薇輩者吳下謂之氣條此直宜聚夫規利無所謂韻與格矣又有一種糞壤力勝者於條上茁短橫枝狀如棘針

花密綴之亦非高品近世始畫墨梅江西有楊補之者尤有名其徒倣之者實繁觀楊氏畫大略皆氣條耳雖筆法奇峭去梅實遠惟廉宣仲所作差有風致世鮮有評之者余故附之譜後

洮湖和梅詩序

楊廷秀

梅之肇於炎帝之經著於說命之書召南之詩然以滋不以象以實不以華也豈古之人皆質而不尚其華歟然花如桃李顏如薜華不尚華哉而獨遺梅之華何也

至楚之騷人飲芳而食菲佩馨而服葩藻盡掇天下之
香草嘉木以苾苾其四體而金玉其言語文章益遠取
於江離杜若而近捨梅豈偶遺之歟抑亦梅之未遭歟
南北諸子如陰鏗何遜蘓子卿詩人之風流至此極矣
梅於是時始一日以花聞天下及唐之李杜本朝之蘇
黃崛起千載之下而躑躅千載之上遂主風月花草之
夏盟而於其間首出桃李蘭蕙而居客之左蓋梅之有
遭未有盛於此時者也然色彌章用彌晦花彌利實彌

鈍也梅之初服豈端使之然哉前之遺今之遭其信然歟吾友兆湖陳晞顏益造次必於梅顛沛必於梅者也嘉愛之不足而吟咏之吟咏之不足則盡取古人賦梅之作而賡和之寄一編以遺予曰從古此詩已八百篇矣不盈千篇吾未止也予讀之而驚曰一何豐耶豐而不奇則亦長耳一何奇耶予嘗愛陰鏗詩云花舒雪尚飄照日不俱銷蘇子卿云祇言花是雪不悟有香來唐人崔道融云香中別有韵清極不知寒是三家者豈畏

疎影橫斜之句哉今晞顏之詩同梅而清清在梅前同梅而馨馨在梅外其於三家所謂未聞以千里畏人也或謂物耄則妖興梅亦有妖晞顏此詩非晞顏語也梅之妖憑晞顏而語也或曰非彼憑此乎爾緊此即彼乎爾夫語恠聖門所諱予又烏知二說之然不然哉因併書之楊公序

老梅屏贊

洪景盧

崢嶸突兀茹鐵為骨凜然冰姿氣壓羣木近似則然孰

知其真儲萬斛香先天下春

古詩

蚤梅

何遜

兔園標物序驚時最是梅
銜霜當路發映雪擬寒開
枝橫却月觀花繞凌風臺
朝灑長門泣夕驅臨邛
孟應知蚤飄落故逐上春來

二月見梅

唐子西

桃花能紅李能白春深何處無春色
不應尚有一枝梅

可是東君苦留客向來開處當嚴冬白者未白紅未紅
祇今已是丈人行勿與年少爭春風

十一月二十六日松風亭下梅花盛開

蘇子瞻

春風嶺上淮南村昔年梅花曾斷魂豈知流落復相見
蠻風蜃雨愁黃昏長條半落荔支浦卧樹獨秀枕椰園
豈惟幽光留夜色直恐冷艷排冬溫松風亭下荊棘裏
兩株玉蕊明朝暎海南仙雲嬌墮砌月下縞衣來叩門

酒醒夢覺起繞樹妙意有在終無言先生獨飲勿歎息
幸有落月窺清樽

再用前韻

蘇子瞻

羅浮山下梅花村玉雪為骨冰為魂紛紛初疑月掛樹
耿耿獨與參橫昏先生索居江海上悄如病鶴栖荒園
天香國艷肯相顧知我酒熟詩清溫蓬萊宮中花鳥使
綠衣倒掛扶桑暎抱叢窺我方醉卧故遣啄木先敲門
麻姑過君急灑埽鳥能歌舞花能言酒醒人散山寂寂

唯有落盡粘空樽

花落復次韻

蘇子瞻

玉妃謫墮烟雨村先生作詩與招魂人間花木非我對
奔月偶桂成幽昏暗香入戶尋短夢青子綴枝留小園
披衣連夜喚客飲雪壓滿地聊相溫松明照坐愁不睡
并花入腹清而曠先生年來六十化道眼已入不二門
多情好事餘習氣惜花未忍都無言留連一物吾過矣
笑領百罰空壘樽

和李伯玉用東坡韻賦梅花 朱元晦

北風日日霾江村歸夢正爾勞營魂忽聞梅蕊臘前破
楚客不愛蘭佩昏尋幽舊識此堂古曳杖偶集僧家園
嵐陰春物未全到邂逅只有南枝溫冷光自照眼色界
雪艷未却扶桑曠遙知雲臺溪上路玉樹十里藏山門
自憐塵羈不得去坐想佳處知難言但哦君詩慰岑寂
已似共倒花前樽

與諸人用東坡韻共賦梅適得元履書有懷

其人因復賦此以寄意焉 朱元晦

羅浮山下黃茅村
蘇仙去餘詩魂
梅花自入三疊曲
至今不受蠻烟昏
佳名一旦異凡木
絕艷千古高名園
却憐冰質不自暖
雖有步障難為溫
差同桃李媚春色
敢與葵藿爭朝暉
歸來只有修竹伴
寂歷自掩疎籬門
自知真意還有在
未覺浩氣終難言
一杯勸汝吾不淺
要汝共保山林樽

再和東坡惠州梅花韻

朱元晦

江梅欲破江南村無人解與招芳魂朔雲為斷蜂蝶信
凍雨難洗烟塵昏天憐絕艷世無匹故遣寂寞依山園
自欣羌笛娛夜永未要鄒律回春溫連娟窺水墮殘月
的皪泣露晞晨暎海山清游記玉面衰病此日空柴門
相逢不敢話疇昔能賦豈必皆成言雕鐫肝腎竟何益
况復制酒哦空樽

古梅

蕭東之

湘妃危立凍蛟背海月冷掛珊瑚枝醜恠驚人能嫵媚

斷魂只有曉寒知
百千年蘚著枯樹
一兩點春供老枝
絕壁笛聲那得到
直愁斜日凍蜂知

律詩

陸凱與范曄相善自江南寄梅花一枝詣長

安與曄贈詩曰

折梅逢驛使寄與嶺頭人
江南無所有聊贈一枝春

絕句

王介甫

牆角數枝梅凌寒特地開
遙知不是雪為有暗香來

江梅

鄭谷

江梅且緩飛前輩有歌詞莫惜黃金縷難忘白雪枝吟
看歸不得醉艱立如癡和雨和烟折含情寄所思

蚤梅

齊己

萬木凍欲折孤根暖獨回前村深雪裏昨夜一枝開風
近幽香去禽窺素豔來明年還應律先發映春臺

江梅

杜甫

梅蕊臘前破梅花春後多絕知春意蚤最奈客愁何雪

樹元同色江風亦自波故園不可見巫岫鬱差栽

春女怨

薛維翰

白玉堂前一樹梅今朝忽見數枝開
兒家門戶重重閉春色因何得入來

梅

戎昱

一樹寒梅白玉條迥臨村路傍溪橋
不知近水花先發疑是經春雪未消

竹裏梅

劉言史

竹與梅花相並枝梅花正發竹枝垂風吹總向竹枝上
直似王家雪下時

次韻王公濟梅花

蘇子瞻

梅梢春色弄微和作意南枝翦刻多月黑林間逢縞袂
霸陵醉尉誤誰何

又

月地雲堦謾一樽玉奴終不負黃昏臨春結綺荒荊棘
誰信幽香是返魂

又

冰盤未薦含酸子雪嶺先看耐凍枝應笑春風木芍藥
牡丹豐肌均骨要人醫

又

鮫綃剪碎玉簪輕檀暈粧成雪月明肯伴老人春一醉
懸知欲落更多情

又

縞裙練帨玉川家肝膽清新冷不邪穠李早春猶辨此

更教踏雪看梅花

又

天教桃李作輿臺故遣寒梅第一開憑仗幽人妝艾納

見香門國香和雨入蒼苔

又

春入西湖到處花裙腰芳草傍山斜盈盈解佩臨湘浦
脉脉當壚傍酒家

又

莫向霜晨怨未開
白頭朝夕自相催
斬新一朶含風露
却似西廂待月來

又

洗盡鉛華見雪肌
要將真色鬪生枝
檀心已作龍涎吐
玉頰何勞獺髓鑿

和張規臣水墨梅五絕

見畫門

和裴迪登蜀州東亭送客逢
蚤梅相憶見寄

杜甫

東閣官梅動詩興還如何遜在揚州此時對雪遙相憶
送客逢春可自由幸不折來傷歲暮若為看去亂鄉愁
江邊一樹垂垂發朝夕催人自白頭

岸梅

崔魯

含情含態一枝枝斜壓漁家短短籬
惹袖尚憐香半日向人如訴雨多時
初開偏稱雕梁畫未落先愁玉笛吹
行客見來無去意鮮帆煙浦為題詩

梅花

韓偓

梅花不肯傍春光，自向深冬看艷陽。
龍笛遠吹邊地月，燕釵初試漢宮粧。
風雖強，暴翻添，思雪欲侵凌更助香。
應笑暫時桃李樹，盜天和氣作年芳。

山園小梅

林君復

衆芳搖落獨暄妍，占盡風情向小園。
疎影橫斜水清淺，暗香浮動月黃昏。
霜禽欲下先偷眼，粉蝶如知合斷魂。
幸有微吟可相狎，不須檀板共金樽。

王君晉卿嘗云：和靖疎影暗香之句，杏與桃李皆

可用也蘇子瞻云可則可但恐杏花桃李不敢承
當耳

梅花

林君復

吟懷長恨負芳時為見梅花輒入詩
雪後園林纔半樹
水邊籬落忽橫枝
人憐紅艷多應俗
天與清香似有私
堪笑胡雛亦風味
醉將聲調角中吹

與微之同賦梅花得香字 王介甫

漢宮嬌額半塗黃
粉色凌寒透薄裝
好借月魂來映燭

恐隨春夢去飛揚風亭把盞訓孤艷雪徑回輿認暗香
不為調羹應結子直須畱此占年芳

又

結子非貪鼎鼎嘗偶先紅杏占年芳從教臘雪埋藏得
却恐春風漏泄香不御鉛華知國色祇裁雲縷想仙裝
少陵為爾牽詩興可是無心賦海棠

又

淺淺池塘短短牆年年為爾惜流芳向人自有無言意

傾國天教抵死香鬢裹黃金危欲墮蒂圍紅蠟巧能裝
嬋娟一種如冰雪依倚春風笑野棠

次韻徐中元詠梅

王介甫

溪杏山桃欲占新
亭梅放蕊尚嬌
春額黃映日明飛燕
肌粉含風冷太真
玉笛悲涼吹易散
水紈生澁畫難親
爭妍喜有君詩在
老我脩然敢效顰

詩話

評月落參橫

今人梅花詩詞多用參橫字蓋出柳子厚龍城錄所載
趙師雄事然此實妄書或以為劉無言所作其語云東
方已白月落參橫且以冬半視之黃昏時參已見至于
夜則西沒矣安得將旦而橫乎秦少游詩月落參橫畫
角哀暗香浮盡令人老承此誤也唯東坡云紛紛初疑
月挂樹耿耿獨與參橫昏乃為精當老杜有城擁朝來
客天橫醉後參之句以全篇攷之蓋初秋作也

容齋
隨筆

評和靖梅詩

歐陽文忠公極賞林和靖梅詩云疎影橫斜水清淺暗香浮動月黃昏之句而不知和靖別有詠梅一聯云雪後園林纔半樹水邊籬落忽橫枝似勝前句不知文忠

何緣棄此而賞彼

山谷詩話

王直方又愛和靖云池水倒窺疎影動屋簷斜入一枝低以謂此句與前所稱與可處伯仲之間余觀此句畧無佳處直方何為喜之真所謂一解不如一解

茗溪漁隱

評荊公東坡詩

凡詠梅多詠白而荆公詩獨云鬚撚黃金危欲墮蒂園
紅蠟巧能粧不惟造語巧麗可謂能道人不到處矣又
東坡詠梅一句云竹外一枝斜更好語雖平易然頗得
梅之幽獨閑靜之趣

遊齋

梅詩見志

王文正公曾嘗賦梅花詩云雪中未論和羹事且向百
花頭上開大魁相業已卜於此詩言志豈不信然

梨花詩

東坡詞云高情已逐曉雲空不與梨花同夢後見王昌齡梅詩云落落寞寞路不分夢中喚作梨花雲方知坡引用此詩也

律詩

以下
紅梅

紅梅

蘇子瞻

怕愁貪睡獨開遲自恐冰容不入時故作小紅桃杏色
尚餘孤瘦雪霜姿寒心未肯隨春態酒暈無端上玉肌
詩老不知梅格在更看綠葉與青枝

東坡云石曼卿紅梅詩云認桃無綠葉辨杏有青
枝此至陋淺村學堂中語也

詩話

紅梅下婦人

蜀州有紅梅數本郡侯建閣扁鑰游人莫得見一日有
兩婦人高髻大袖凭欄語笑郡侯啟鑰間不見人惟東
壁有詩曰南枝向暖北枝寒一種春風有兩般憑仗高
樓莫吹笛大家留取倚欄干

撫遺

古詩

以下係
蠟梅

戲詠蠟梅

黃魯直

金蓓領春寒
惱人香未展
雖無桃李顏
風味極不淺
體薰山麝臍
色染薔薇露
披拂不滿襟
時有暗香度

蠟梅四絕

陳去非

花房小如許
銅切黃金塗
中有萬斛香
與君細細輸
來從底處所
黃露滿衣濕
緣慙翻得憐
亭亭倚風立

隋煬帝御女
表寶兒驂冶
多慙態帝謂
虞世基試

嘲之世基詩曰緣慙却得君王意常把花枝傍輦

行
南部烟
花記

奕奕金仙面排行立曉晴慙慙夜來雪少住作珠璣

亭亭金步搖朝日明漢宮當時好光景一似此園中

和豫章公黃梅

陳無已

寒裏一枝春白間千點黃道人不好色行處若為香

色輕花更黃體弱香自永玉質金作裳山明風弄影

蠟梅一首贈趙景貺

蘇子瞻

天公點酥作梅花此有蠟梅禪老家蜜蜂探花作黃蠟
取蠟為花亦比物天公變化誰得知我亦兒嬉作小詩
君不見萬松嶺上黃千葉玉蕊檀心兩奇絕醉中不覺
度千山夜聞梅香失醉眠歸來却夢尋花去夢裏花揚
覓奇句此間風物屬詩人我老不飲當付君君行適吳
我適越笑指西湖作衣鉢

次韻蘇公蠟梅

陳無已

化人巧作綰樣花何年落子空王家羽衣霓袖浣香蠟

從此人間識尤物青瑣朱郎却未知天公下取仙翁詩
鳥丸難趾寫玉葉却怪寒花未清絕北風驅雪度關山
把燭看花夜不眠明朝詩成公亦去長使詩仙誦佳句
湖山信美更須人已覺西湖屬此君坐想明年吳興越
行酒賦詩聽擊鉢

蠟梅

陳去非

智瓊額黃且勿誇回眼視此風前葩家家融蠟作杏蒂
歲歲逢梅是蠟花世間真偽非兩法映日細看真是蠟

我今嚼蠟已甘腴況此有韻蠟不如只愁繁香欺定力
薰我欲醉須人扶不辭花前醉經月是酒是香君試別
律詩

蠟梅

楊廷秀

栗玉圓雕蕾金鍾細著行來從真蠟國自號小黃香夕
吹撩寒馥晨曦透暖光南枝本同姓喚我作它楊

從張仲謀乞蠟梅

黃魯直

聞君寺後野花發香密染成宮樣黃不擬折來遮老眼

欲知春色到池塘

謝王立之送蠟梅

晁無咎

未教落素混水池且看輕黃綴雪衣越使可因千里致
春風元自未曾知

又

恐是醅醖染得黃月中清露滴來香定知何遜牽詩興
借與穿簾一點光

蠟梅

楊廷秀

蜜蜂底物是生涯花作餽糧蠟作家歲晚畧無花可採
却將香蠟吐成花

桂花

羣書要語楸木桂樹一名木犀葉似枇杷而小花淡白
其淡紅者謂之丹桂黃花者能著子叢生巖嶺間枝葉
冬夏常青爾雅桂樹芬香注本草有茵桂花白蕊黃香水

也楚辭桂樹叢生兮山之幽偃蹇連蜷兮枝相樛淮南小山招隱

全篇見南州之炎德兮麗桂樹之冬榮楚辭

詩句南州實炎德桂樹凌寒山靈桂子月中落天香雲

外飄

宋之問詩見佛寺門

離披得幽桂芳木欣盈握

柳子厚

秋風生

桂枝

沈休文

賞月延秋桂

杜

山頭老桂吹古香

李賀

清香一

日來天闕世上龍涎不敢香

鄧志宏

古今事實

桂林一枝

晉郤詵對武帝曰臣對策為天下第一猶桂林一枝

丹桂五枝

見及第門

吳剛斫桂

見月門

古今文集

古詩

問答

唐王績

問春桂桃李正芳華
年光隨處滿何事獨無花
春桂答春華詎能久
風霜搖落時獨秀君知否

詠桂

李白

園花笑芳草池草艷春色
猶不如槿花蟬娟玉堦側芳

榮何天促零落在瞬息豈若瓊樹枝終歲正翕艷
世人種桃李多在金張門攀折爭捷徑及此春風暄一
朝天霜下榮耀難久存安知南山桂綠葉垂芳根青陰
亦可託何惜樹君園

謝人寄雙桂

歐陽永叔

有客賞芳叢移根自幽谷為懷山中趣愛此巖下綠
曉露秋暉浮清陰藥欄曲更待繁花白邀君弄芳馥

木犀古風

劉彥沖

化工吝幽香斑斑被花木氤氲寒巖桂高韻益羣馥無
人盡日芳守志何幽獨士介恥求知女貞慙自鶯淒涼
楚山秋樛枝吐金粟淺水映輕明微颺發含蓄樓端靜
忽聞馬上遥相逐踟躕為延佇但見林巒綠鉗罌誰折
贈清芬閼廬屋久處不自知乍至稱鬱郁客悲芳歲暮
夢繞寒溪曲長吟小山詞古意恐難復

律詩

桂

李嶠

未植銀宮裏寧移玉殿幽枝生無限月花滿自然秋俠
客條為馬仙人葉作舟願君期道術攀折可淹留

山中桂

于武陵

日暖上山路鳥啼知己春忽逢幽隱樹如見獨醒人石
冷開常晚風多落已頻樵夫應不識歲久伐為薪

月中桂

見月門

巖桂

朱元晦

山中綠玉樹瀟灑向秋深小閣芬微度書帷氣欲侵披

懷清露繞遇賞夕嵐陰珍重王孫意天涯淚滿襟

詠木犀

謝無逸

白雪凝酥點嫩黃
薔薇清露染衣裳
西風掃盡狂蜂蝶
獨伴天邊桂子香

輕薄西風未辨霜
夜揉黃雪作秋光
吹殘六出猶餘四
匹似天花更著香

賦木犀次韻呈奇父

陳去非

國香薰舍先生醉
秋葉藏花客子迷
驅使晚風同勝地

東軒不用鎮帷屏

凝露堂木犀

楊廷秀

雪花四出剪鵝黃
金粟千鈔糝露囊
看去看來能幾大
如何著得許多香

夢騎白鳳上青空
徑度銀河八月宮
身在廣寒香世界
覺來簾外木犀風

只道秋花艷未強
此花儘更有商量
乘風染得千紅紫
曾有西風半點香

八月十七日天竺送桂花分贈元素


蘇子瞻

月缺霜濃細蕊乾
此花元屬桂堂仙
驚峯子落驚前夜
蟾窟枝空記昔年
破裊山僧憐耿介
練裙溪女鬪清妍
願公採掇綴幽佩
莫遣孤芳老澗邊

巖桂

劉彥沖

涼颼振遠村
寂寞度清芬
山路不知處
月窻時夜聞
孤根抱寒石
落子半飄雲
袖手空延仰
無才可賦君



古今事文類聚後集卷二十八